

OPĆINSKI SUD U ŽIVINICAMA

Broj: 033-0-Su-24-000447

Živinice, 10.06.2024. godine

BOSNE I HERCEGOVINE
FEDERACIJA BOSNE I HERCEGOVINE
TUZLANSKI KANTON

SKUPŠTINA TUZLANSKOG KANTONA

PREDMET: Informacija o radu suda u 2023. godini

Veza: Vaš akt 02-02-620-43/23 od 05.06.2024. godine

Programom rada Skupštine TK za 2024. godine predviđeno je razmatranje informacije o radu sudova za 2023. godinu u Tuzlanskom kantonu za mjesec juni tekuće godine, a o čemu ste nas obavijestili Vašim aktom broj 02-02-620-43/23 od 05.06.2024. godine i istovremeno pozvali da Vam dostavimo potreban materijal u svrhu navedene aktivnosti. U vezi sa navedenim dostavljamo Vam informaciju o radu Općinskog suda u Živinicama u 2023. godini kako slijedi.

I – UNUTRAŠNJA ORGANIZACIJA I KADROVSKA OSPOSOBLJENOST SUDA

Rad Općinskog suda u Živinicama i Odjeljenja suda u Kladnju (koje egzistira kao samostalna organizaciona jedinica unutar suda) organizovan je u 2 sudska odjeljenja, u okviru kojih postoji više odsjeka i referata, i to:

- Odjeljenje sudske uprave, u okviru kojeg su Odsjek sudske pisarnice i Odsjek za računovodstvene i materijalno-tehničke poslove,
- Građansko odjeljenje, u okviru kojeg su parnični, vanparnični referat i izvršni referat,
- Krivično odjeljenje, u okviru kojeg su krivični i prekršajni referat,
- Odjeljenje za zemljišnoknjižne poslove.

Sistematizacijom broja nosilaca pravosudnih funkcija utvrđenom od strane Visokog sudskog i tužilačkog vijeća BiH u Općinskom sudu u Živinicama sistematizovane su pozicije za 15 (petnaest) redovnih sudija, 3 (tri) dodatna sudije i 4 (četiri) stručna saradnika. Dakle, uzimajući u obzir poziciju predsjednice suda, u sudu su sistematizovane pozicije za ukupno 22 nosioca pravosudnih funkcije. U sudu je tokom 2023. godine bilo popunjeno 14 pozicija pravosudnih funkcija, uključujući i predsjednika suda, i to 13 (trinaest) pozicija redovnih sudija i 1 (jedna) pozicija dodatnog sudije.

REDOVNI SUDIJA	DODATNI SUDIJA	STRUČNI SARADNIK
15	3	4

Tabela I.1. Sistematizacija broja nosilaca pravosudnih funkcija

REDOVNI SUDIJA	DODATNI SUDIJA	STRUČNI SARADNIK
13	1	0

Tabela I.2. Popunjenost pozicija nosilaca pravosudnih funkcija

Na osnovu ukupnog broja predmeta u radu u 2023. godini angažovane sudije raspoređene su na:

- Gradansko odjeljenje (parnični, vanparnični i izvršni referat), 8 sudija od kojih 5 sudija na parnični i vanparnični referat, 2 sudija na izvršni referat i jedan sudija raspoređen u Odjeljenje suda u Kladnju na parnični i vanparnični referat.
- Krivično odjeljenje (krivični i prekršajni referat), 5 sudija, s tim da je jedan sudija sa Gradanskog odjeljenja raspoređen na prekršajni referat Odjeljenja suda u Kladnju.

U Općinskom sudu u Živinicama u 2023. godini došlo je do značajne Fluktuacije nosilaca pravosudnih funkcija zbog imenovanja na nove pozicije i odlaska u penziju. Jednom sucu koji je bio raspoređen na gradanski referat u Odjeljenju suda u Kladnju i postupao je po parničnim, vanparničnim i manjim dijelom izvršnim predmetima je prestao mandat u Općinskom sudu u Živinicama dana 01.02.2023. godine zbog odlaska u penziju, pa je bilo nužno na njegovo mjesto rasporediti suca koji ranije nije radio na gradanskom referatu. Odlukom Visokog sudskog i tužilačkog vijeća BiH u Općinskom sudu u Živinicama imenovano je troje sudaca koji su stupili na dužnost dana 06.03.2023. godine, a od kojih je jedan sudac raspoređen na Krivično odjeljenje i dvoje sudija na Gradansko odjeljenje, dok je Odlukom Visokog sudskog i tužilačkog vijeća BiH u Općinskom sudu u Živinicama imenovana još jedna sutkinja koja je stupila na dužnost dana 13.11.2023. godine, i raspoređena na izvršni referat.

Osim učestale fluktuacije nosilaca pravosudnih funkcija izražena karakteristika u Općinskom sudu u Živinicama je i starosna struktura istih. Naime, 4 od ukupno 14 sudija u Općinskom sudu u Živinicama ima više od 60 godina starosti, a jedno od njih više od 65 godina starosti. Starosna struktura predstavlja jedan od čimbenika koji utiču na efikasnost rada kao jednog od dva glavna faktora u radu suda (kvalitet i efikasnost).

Tokom 2023. godine zabilježeno je ukupno 364 dana opravdanog odsustva sudija. Ova odsustva su imala negativan efekat na rad Krivičnog odjeljenja suda jer je sudac Husein Džihanović bio odsutan ukupno 84 radnih dana, sudija Fahrudin Šljivić 54 dana i Asmir Karić 23 dana, sudija Ibrahim Bubić 14 dana i sudija Mersiha Alić 15 dana koja je do 30.10.2023. godine bila raspoređena na Gradansko odjeljenje. Također, duže odsustvo sudija zabilježeno je i na Gradanskom odjeljenju, i to sudije Fikreta Delić, koja je raspoređena na izvršni referat u ukupnom kumulativnom trajanju od 52 radna dana, Vesna Bešić 60 radnih dana, i Mirela Kuduzović Tunjić 25 radnih dana, Amira Halilović 19 dana i Lucija Tadić 18 dana.

Funkciju predsjednika odjeljenja u 2023. godini obavljalo je dvoje sudaca i to sudija Asmir Karić na Krivičnom i sutkinja Lucija Tadić na Gradanskom odjeljenju. Općinski sud u Živinicama je u toku 2023. godine proveo niz aktivnosti u cilju jačanja uloge predsjednika odjeljenja i njihove veće angažiranosti s ciljem kvalitetnijeg i efikasnijeg rada sudskih odjeljenja (insistiralo se na redovnom održavanju sjednica sudskih odjeljenja i dostavljanja zapisnika sa održanih sjednica).

U pogledu državnih službenika Općinski sud u Živinicama je tokom 2023. godine popunio poziciju sekretara suda koja je stupila na dužnost dana 23.02.2023. godine, poziciju Stručnog saradnik za administrativno-organizacijske i opće poslove počev od 03.10.2023. godine i poziciju Zemljišnoknjiženog referenta u Odjeljenju suda u Kladnju počev od 24.10.2023. godine.

Sistematizovana radna mjesta namještenika u Općinskom sudu u Živinicama a koja su ostala upražnjena u 2023. godini su popunjena nakon što je provedena zakonom propisana procedura, osim za jednog namještenika kojem je prestao radni odnos zbog odlaska u penziju dana 14.08.2023. godine. Međutim, kao i kod nosilaca pravosudnih funkcija, Općinski sud u Živinicama karakteriše visoka prosječna starost namještenika. Znatnom broju namještenika ovog suda ostao je kraći period do stupanja u penziju (manje od 5 godina). Za određen broj namještenika nadležne institucije donijele su rješenja o određenom stepenu invalidnosti ili smanjenoj sposobnosti za rad. U ovakvim okolnostima rad namještenika nije dovoljno efikasan i ne daje potreban učinak.

Općinski sud u Živinicama obavlja svoju funkciju u tri zgrade čije se stanje generalno može ocijeniti kao loše i neuslovno. Zgrada u kojoj je smješteno Zemljišno-knjižno odjeljenje je građena 50-tih godina i ista je u veoma lošem stanju. Matična zgrada suda je građena 60-tih godina i u njoj su dotrajale električne

instalacije, te su uobičajni problemi sa električnim spojevima i prestanka napajanja električnom energijom potrošača u zgradi, pucanje zidova, otpadanja fasade i sl. Zgrada nema zadovoljavajuće smještajne kapacitete za potrebe suda, namještaj i inventar u sudu su u veoma lošem stanju (namještaj star više od 30 godina). U ovakvim uvjetima je neophodno obezbijediti grijenje, materijal, održavanje, popravke i druga materijalna sredstva i sredstva za rad za sve tri zgrade suda. Uprava suda je uspijevala osigurati materijalna sredstva i sredstva za rad u mjeri neophodnoj da ne dode do zastoja u radu.

U pogledu materijalnog statusa suda stanje se djelimično unaprijedilo rekonstrukcijom krova zgrade Odjeljenja suda u Kladnju i djelimičnom rekonstrukcijom elektroinstalacija. Međutim, stanje nije ni blizu zadovoljavajućem i potrebna su znatna sredstva za slične i istovjetne rekonstrukcije u sve tri zgrade suda.

Uprava suda je u 2023. godine tražila putem Ministarstva pravosuđa i uprave TK da se obezbijede sredstva za izgradnju nove zgrade suda, inicirala je održavanje sastanaka na ovu temu sa predstavnikom Sekretarijata VSTV-a BiH, obratila se VSTV-u BiH sa zahtjevom da se obezbijede potrebna sredstva za izgradnju zgrade suda kroz donacije i ostvarila saradnju sa lokalnom zajednicom po ovom pitanju.

II - OSTVARENA NORMA U IZVJEŠTAJNOM PERIODU

U toku 2023. godine sud je ostvario kolektivnu normu od 105,79%. Većina nosilaca pravosudnih funkcija, njih 10 od ukupno 15, ostvarilo je godišnju normu u 2023. godini. Dvoje sudija na Krivičnom odjeljenju (sudija Mersiha Alić bila raspoređena na Gradansko odjeljenje do 30.10.2023. godine), jedan sudija na Izvršnom odjeljenju i dva na Gradanskom odjeljenju nisu ostvarili propisanu godišnju normu.

Uzimajući u obzir okolnosti u kojima je sud radio u 2023. godini, i to:

- generalno loše i neuslovno stanje objekata u kojima sud radi (podrobnije objašnjeno u devetom pasusu prvog poglavlja izvještaja),
- česta odsustva nosilaca pravosudnih funkcija i namještenika usljed zdravstvenog stanja i
- učestala nedostupnost stranaka u sudskim predmetima, kao i nemogućnost uručivanja sudskih pismena i održavanja ročišta u istim, zbog promjene mjesta boravišta i odlazaka na privremeni ili stalni rad u inostranstvo,

ostvarena kolektivna godišnja norma može se smatrati više nego zadovoljavajućom.

III - OSTVARENI KVALITET U IZVJEŠTAJNOM RAZDOBLJU

Sud je u toku izvještajnog perioda donio ukupno 4171 odluka na koje se može izjaviti pravni lijek o kojem ne odlučuje sudija pojedinac, onaj koji je donio osporenu odluku. Drugostepeni sud je u toku 2023. godine odlučio o 566 pravnih lijekova izjavljenih na odluke ovog suda, i to kako je prikazano u sljedećoj tabeli.

Broj donesenih odluka na koje se može izjaviti pravni lijek	Broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	odluka nakon održane glavne rasprave ili pretresa pred drugostepenim	Broj ukinutih odluka	Broj djelimično ukinutih odluka	Kvalitet sudskih odluka
4171	566	10	409	83	0	46	24	91,91 %

Tabela II.1. Kvalitet sudskih odluka u 2023. godini

Ostvareni kvalitet sudskih odluka u 2023. godini od 91,91 % nešto je viši u odnosu na višegodišnji prosječni ostvareni kvalitet odluka ovog suda (89,53 % u 2022. godini, 88,13% u 2021. godini, 88,78% u 2020. godini, 87,43% u 2019. godini, itd).

Općinski sud u Živinicama je imao 566 ožalbenih odluka u 2023. godini, od čega je bilo 409 potvrđenih odluka, 83 preinačenih odluka, 46 ukinutih odluka i 24 djelimično ukinute odluke. Broj potvrđenih odluka je bio najveći na parničnom i krivičnom referatu što je razlog nešto većeg kvaliteta sudskih odluka u odnosu na ranije godine.

U Općinskom sudu u Živinicama mišljenja smo da je nepostojanje ujednačene sudske prakse jedan od osnovnih razloga zbog kojih kvalitet sudskih odluka nije bolji. Naime, kako se može primijetiti, u velikom broju pravnih pitanja sudska praksa se često mijenja, mijenjaju se stavovi, a veće sudske instance u određenim situacijama u kojima se razmatraju ista ili slična činjenična i pravna pitanja donose različite sudske odluke. Ovakve pojave utiču na kvalitet rada svih sudova u Bosni i Hercegovini, pa i na kvalitet rada Općinskog suda u Živinicama. Generalno, ovaj problem je naročito izražen u krivičnim predmetima, za koje su više sudske instance mijenjale stavove u smislu da je zauziman strožiji kriterij kod određivanja i produženja mjera prisustva, donošenja odluka o mjerama zabrane i slično.

IV - OSTVARENI REZULTATI U IZVJEŠTANOM RAZDOBLJU U POGLEDU BROJA RIJEŠENIH I NERIJEŠENIH PREDMETA

Sud je na početku izvještajnog perioda imao ukupno 7250 neriješenih predmeta, od čega 5846 u Živinicama i 1404 u Kladnju. U toku 2023. godine primljeno je 6196 predmeta, od čega 5502 u Živinicama i 694 u Kladnju. Sud je dakle imao ukupno 13.446 predmeta u radu u 2023. godini. U izvještajnom periodu riješeno je 7.301 predmeta, od čega 6416 u Živinicama i 885 u Kladnju. Na kraju izvještajnog perioda, na dan 31.12.2023. godine, preostalo je 6.145 neriješenih predmeta, od čega je 4932 u Živinicama i 1213 u Kladnju. Protok predmeta u 2023. godini po referatima prikazan je u narednoj tabeli.

Referat	Broj neriješenih predmeta na početku perioda	Priliv	Broj predmeta u radu	Riješeni	Broj neriješenih predmeta na kraju perioda	Promjena broja neriješenih predmeta	Stopa rješavanja priliva
IZVRŠNO	1314	1376	2690	1273	1417	+103	92,51%
KRIVIČNO	536	896	1432	855	577	+41	95,42%
PARNIČNO	1423	1202	2625	1343	1282	-141	111,73%
PREKRŠAJNO	2782	1376	4158	2227	1931	-851	161,85%
SUDSKA UPRAVA	8	45	53	50	3	-5	111,11%
VANPARNIČNO	1187	1301	2488	1553	935	-252	119,37%
UKUPNO	7250	6196	13446	7301	6145	-1105	117,83%

Tabela III.1. Protok predmeta u 2023. godini

Iz protoka predmeta je vidljivo da je u 2023. godini došlo do smanjenja broja neriješenih predmeta za 1105 predmeta. Međutim, razmotri li se promjena broja neriješenih predmeta po referatima, možemo vidjeti da je na svim referatima, izuzev izvršnog i krivičnog došlo do smanjenja broja neriješenih predmeta.

Priliv predmeta u 2023. godini povećan je za 90 predmeta u odnosu na 2022. godinu (za 1,47%). Poređenje priliva predmeta u 2023. godini u odnosu na 2022. godinu po referatima dato je u narednoj tabeli.

Referat	Broj primljenih 2022	Broj primljenih 2023	Promjena broja primljenih predmeta	Procentualna promjena broja primljenih predmeta
IZVRŠNO	1141	1376	+235	+20,59
KRIVIČNO	999	896	-103	- 10,31 %
PARNIČNO	1233	1202	-31	- 2,51%
PREKRŠAJNO	1442	1376	-66	-4,57%
SUDSKA UPRAVA	90	45	-45	-50%
VANPARNIČNO	1201	1301	+100	+ 8,32%
UKUPNO	6106	6196	+90	+ 1,47 %

Tabela III.2. Poređenje priliva predmeta

Povećanje priliva predmeta zabilježeno je na izvršnom i vanparničnom referatu, dok je na svim referatima u odnosu na 2022. godinu došlo do smanjenja priliva. Rezultat ovakvog stanja je odlazak građana van BiH što ima za posljedicu smanjenje broja parničnih, krivičnih i prekršajnih predmeta.

Ukupan broj riješenih predmeta u 2023. godini veći je je za 679 predmeta u odnosu na 2022. godinu (za 10,25%). Poređenje broja riješenih predmeta u 2023. godini u odnosu na 2022. godinu po referatima dato je u narednoj tabeli.

Referat	Broj riješenih 2022	Broj riješenih 2023	Smanjenje broja riješenih predmeta	Procentualna promjena broja riješenih predmeta
IZVRŠNO	1332	1273	-59	-4,42%
KRIVIČNO	1030	855	-175	-17,00%
PARNIČNO	1074	1343	+269	+25,04%
PREKRŠAJNO	1772	2227	+455	+ 25,67 %
SUDSKA UPRAVA	91	50	-41	-45,05%
VANPARNIČNO	1323	1553	+230	+17,40%
UKUPNO	6622	7.301	+679	+10,25%

Tabela III.3. Poređenje broja riješenih predmeta

U 2023. godini došlo je do povećanja broja riješenih predmeta u odnosu na prethodnu godinu. Povećanje broja riješenih predmeta rezultat je imenovanja 4 novih sudija tokom 2023. godine.

Pokrivenost priliva brojem riješenih predmeta u 2023. godini iznosila je 117,83%. Međutim, na izvršnom i krivičnom referatu sud nije uspio priliv pokriti brojem riješenih predmeta. Procentualna pokrivenost priliva brojem riješenih predmeta prikazana je u narednoj tabeli.

Referat	Priliv predmeta 2023	Broj riješenih predmeta 2023	Procentualna pokrivenost priliva brojem riješenih predmeta
IZVRŠNO	1376	1273	92,51%
KRIVIČNO	896	855	95,42%
PARNIČNO	1202	1343	111,73%
PREKRŠAJNO	1376	2227	161,84%
SUDSKA UPRAVA	45	50	111,1%
VANPARNIČNO	1301	1553	119,36%
UKUPNO	6196	7.301	117,83%

Tabela III.4 Pokrivenost priliva brojem riješenih predmeta

Unatoč povećanju broja riješenih predmeta u 2023. godini u odnosu na 2022. godinu, uspio se pokriti priliv predmeta brojem riješenih predmeta na svim referatima izuzev na izvršnom i krivičnom, pa je broj primljenih predmeta manji od broja riješenih predmeta.

Predmeti koje sud duži, a koji nisu u CMS-u i nisu razmatrani u okviru protoka, priliva i broja riješenih predmeta u CMS-u su predmeti Odjeljenja za zemljišnoknjižne poslove i predmeti u SOKOP-Mal sistemu. Odjeljenje za zemljišnoknjižne poslove već duži period ima dostignutu dnevnu ažurnost, pa se po zahtjevima stranaka i predmetima primljenim u ovom odjeljenju postupa odmah po prijemu i u vrlo kratkim rokovima. Što se tiče predmeta iz SOKOP-Mal sistema sud je na početku izvještajnog perioda imao ukupno 12 neriješenih predmeta. U toku 2023. godine primljeno je 8 predmeta, sud je dakle imao ukupno 20 predmeta u radu u 2023. godini. Kako sud tokom 2023. godine nije riješio niti jedan predmet, na kraju izvještajnog perioda, na dan 31.12.2023. godine, preostalo je 20 neriješenih predmeta.

V - RAZLOZI ZA ZNAČAJNE PROMJENE U SMANJENJU PRILIVA BROJA PREDMETA I SMANJENJA BROJA NERIJEŠENIH PREDMETA

U prethodnom poglavlju izvještaja dat je prikaz promjene broja neriješenih predmeta u toku 2023. godine, promjene broja primljenih predmeta u 2023. godini u odnosu na 2023. godinu, kao i promjene broja riješenih predmeta u 2023. godini u odnosu na 2022. godinu.

Iz prikaza protoka predmeta u 2023. godini (tabela III.1) može se vidjeti da je tokom izvještajnog perioda došlo do značajnog smanjenja broja neriješenih predmeta u sudu. Međutim, razmotri li se promjena broja neriješenih predmeta po referatima, možemo vidjeti da je na izvršnom i krivičnom referatu došlo do neznatnog povećanja broja neriješenih predmeta.

Povećanje broja neriješenih predmeta na izvršnom i krivičnom referatu leži na činjenici da je tokom 2023. godine usljed zdravstvenog stanja jedna sutkinja koja je raspoređena na izvršni referat bila duže odsutna u ukupnom kumulativnom trajanju od 52 radna dana, dok su na krivičnom referatu također zabilježena duža odsustva zbog zdravstvenog stanja sudija.

U pogledu prekršajnog referata došlo je do smanjenja broja neriješenih predmetima što je rezultat zalaganja i rada sudaca Krivičnog odjeljenja na rješavanju Pr predmeta.

Iz poređenja priliva predmeta u 2023. godini u odnosu na 2022. godinu (tabela III.2) može se vidjeti da je priliv predmeta u odnosu na prethodnu godinu povećan za 90 predmeta (1,47%). Povećanje priliva predmeta zabilježeno je na izvršnom i vanparničnom referatu, dok je na svim referatima u odnosu na 2022. godinu došlo do smanjenja priliva. Rezultat ovakvog stanja je odlazak građana van BiH što ima za posljedicu smanjenje broja parničnih, krivičnih i prekršajnih predmeta.

Poređenjem broja riješenih predmeta u 2023. godini u odnosu na 2022. godinu (tabela III.3) dolazimo do zaključka da je u 2023. godini došlo do povećanja broja riješenih predmeta. Iako je sud radio u okolnostima da je u 2023. godini došlo do značajne fluktuacije nosilaca pravosudnih funkcija zbog

imenovanja na nove pozicije i odlaska u penziju, učestalih opravdanih odsustava sudija u toku godine (u ukupnom trajanju od 364 radnih dana), izražena je bila nedostupnost stranaka, prostorije za rad su neuslovne, ipak je uspio značajno uvećati broj riješenih predmeta u odnosu na prethodnu godinu na većini referata.

Pokrivenost priliva brojem riješenih predmeta u 2023. godini iznosila je 117,83% kako je to prikazano u tabeli III.4. Sud je u 2023. godini uspio riješiti više predmeta od broja primljenih predmeta, izuzev na izuzev na izvršnom i krivičnom referatu.

VI - OSTVARENI REZULTATI U RADU NA STARIM PREDMETIMA

Kada su u pitanju rezultati suda ostvareni na rješavanju starih predmeta osvrnut ćemo se na Plan rješavanja predmeta za 2023. godinu.

Planom rješavanja predmeta za 2023. godinu bila su obuhvaćena ukupno 2665 predmeta, po referatima i starosnoj strukturi kako je prikazano u tabeli IV.1.

Referat	Broj sudija koji će raditi na predmetima iz Plana na referatu	Predmeti inicirani 2022. godine	Predmeti inicirani 2021-2020. godine	Predmeti inicirani 2019-2018. godine	Predmeti inicirani 2017-2014. godine	Predmeti inicirani 2013-2009. godine	Predmeti inicirani 2008. godine i ranije	Ukupno predmeta za plan
IZVRŠNI	1,5	278	165	79	128	67	20	737
KRIVIČNI	3	135	114	40	11	3	0	303
PARNIČNI	5,2	361	367	39	45	3	4	819
PREKRŠAJNI	1,3	434	202	1	0	0	0	637
VANPARNIČNI	0,6	60	42	8	11	27	21	169
UKUPNO	11,6	1268	890	167	195	100	45	2665

Tabela IV.1. Broj predmeta obuhvaćenih Planom

U toku izvještajnog perioda (01.01.2023 do 31.12.2023) sud je riješio 2062 predmet iz Plana, odnosno Plan je na nivou suda u 2023. godini realizovan u postotku od 79,09 %. U tabeli VI.2 dat je prikaz realizacije Plana po starosnim kategorijama.

	Predmeti inicirani 2022. godine	Predmeti inicirani 2021-2020. godine	Predmeti inicirani 2019-2018. godine	Predmeti inicirani 2017-2014. godine	Predmeti inicirani 2013-2009. godine	Predmeti inicirani 2008. godine i ranije	Ukupan broj predmeta
Broj predmeta u planu	1268	890	167	195	100	45	2665
Neriješeni predmeti iz plana	244	172	45	48	25	11	545
Riješeni predmeti iz plana	1006	698	116	140	71	31	2062
% realizacije	80,48%	80,23%	72,05%	74,47%	73,96%	73,81%	79,09%

Tabela IV.2. Realizacija Plana po starosnim kategorijama

VII – OBRAZLOŽENJE RAZLOGA NEDOVOLJNOG BROJA PREDMETA U RADU SUDA ILI POJEDINIH SUDIJA

Višegodišnji trend smanjenja broja neriješenih predmeta u sudu nastavljen i u 2023. godini. Broj neriješenih predmeta u 2023. godini umanjeno je za 1105 predmeta. Međutim, unatoč smanjenju broja neriješenih predmeta u 2023. godini ne može se govoriti o nedovoljnom broju predmeta u radu suda. U 2023. godini sve sudije zadužene su dovoljnim brojem predmeta neophodnim za ostvarenje propisane norme.

VIII - TRAJANJE POSTUPAKA

Prosječno trajanje riješenih predmeta u 2023. godini u Općinskom sudu u Živinicama je 727 dana, a u Odjeljenju suda u Kladnju 743 dana. Postupci su na izvršnom referatu u matičnom sudu u Živinicama trajali u prosjeku 433 dana, krivičnom 191 dana, parničnom 416 dana, prekršajnom 1794 dana i vanparničnom 727 dana. U Odjeljenju suda u Kladnju postupci su u prosjeku trajali 280 dana na parničnom referatu, 958 dana na prekršajnom referatu i 727 dana na vanparničnom referatu.

Prosječno trajanje postupaka u 2023. godini od 743 dana na nivou suda rezultat je i nastojanja rješavanja najstarijih predmeta po starosti inicijalnog s ciljem skraćivanja prosječnog trajanja neriješenih predmeta.

IX - OSTVARENI REZULTATI U RADU NA PREDMETIMA RATNIH ZLOČINA

Općinski sud u Živinicama nema u radu predmete ratnih zločina.

X - OSTVARENI REZULTATI U RADU NA PREDMETIMA KORUPCIJE I ORGANIZOVANOG KRIMINALA

Na početku 2023. godine Općinski sud u Živinicama je imao ukupno 22 neriješena predmeta korupcije i organiziranog kriminala (21 predmet K i 1 predmet Kps). Do 31.12.2023. godine primljeno je 17 predmeta (2 predmeta Iks, 5 predmeta K, 5 predmeta Kbs, 3 predmeta Kps, i 2 predmeta Kv), riješeno je 17 predmeta (2 predmeta Iks, 7 predmeta K, 3 predmeta Kbs, 3 predmeta Kps, i 2 predmeta Kv), a na dan 31.12.2023. godine sud ima 22 predmeta (19 predmeta K, 2 predmeta Kbs, 1 predmet Kps).

Prema Odluci predsjednice suda o rasporedu sudaca u Općinskom sudu u Živinicama na krivično odjeljenje je bilo raspoređeno troje sudaca do 06.03.2023. godine. Nakon što je VSTV BiH imenovalo tri nova nosioca pravosudne funkcije na Krivično odjeljenje raspoređen je još jedan sudac. Obzirom da su dvoje sudija sa Krivičnog referata otišli na bolovanja, a čiji je povratak neizvjestan zbog težine bolesti, predsjednica suda je donijela Odluku o rasporedu sutkinje sa Gradanskog odjeljenja na Krivično odjeljenje. Svi suci na Krivičnom odjeljenju postupaju po krivičnim predmetima korupcije i organiziranog kriminala i svi suci su ravnomjerno zaduženi ovom vrstom predmeta.

Na krivičnom odjeljenju su raspoređeni suci sa odgovarajućim iskustvom stečenim radom na krivičnim predmetima pa se potvrđivanju optužnica pristupa sa odgovarajućim stepenom kontrole, a ne strogo formalistički.

Na stručnom Kolegiju predsjednice suda od 20.01.2023. godine donesen je zaključak da se postupa po ranije donesenim zaključcima iz 2022. godine a vezano za postupanje po krivičnim predmetima korupcije i organiziranog kriminala, a koji se posebno odnose na dužnost sudija Krivičnog odjeljenja da odmah po ispunjenju procesnih pretpostavki zakazuju glavne pretrese u predmetima korupcije i organiziranog kriminala, a predsjednik Krivičnog odjeljenja je zadužen da redovito prati rad sudaca po ovim predmetima, vrši analizu evidencije o odloženim/odgođenim ročištima u predmetima, razloge odlaganja/odgađanja i vremenski razmak između glavnih pretresa, kao i da u krivičnim predmetima korupcije i organiziranog kriminala sa više optuženih i većim brojem dokaza kod zakazivanja glavnih pretresa sa učesnicima u

postupku suglasno odrede više uzastopnih termina glavnih pretresa sa što kraćim vremenskim razmakom između glavnih pretresa.

Na Kolegiju predsjednika suda od 10.05.2023. godine, a nakon prethodne analize opterećenosti sudaca sa predmetima, utvrđeno je da su svi suci ravnomjerno opterećeni brojem predmeta, kao i predmetima korupcije i organiziranog kriminala, te da nema potrebe za ponovnom preraspodjelom predmeta.

Zaključkom donesenim na Kolegiju predsjednice suda od 22.06.2023. godine određeno je da će se nastaviti sa izradom izvještaja na mjesečnoj osnovi o postupanju po predmetima korupcije i organiziranog kriminala i posljednjom poduzetom radnjom sudije i njegovog dostavljanja sucima na znanje, kao i da se zadužuje predsjednik Krivičnog odjeljenja da svaki mjesec izvrši analizu primjene ovog Zaključka i o tome obavijesti predsjednicu suda.

Na istom Kolegiju predsjednice suda donesen je i Zaključak da po predmetima korupcije i organiziranog kriminala i dalje postupaju svi suci sa Krivičnog odjeljenja, kao i da su svi suci dužni u skladu sa zakonom poduzeti sve radnje u cilju efikasnijeg rješavanja predmeta korupcije i organiziranog kriminala, a pri tome koristeći sve mehanizme koji im stoje na raspolaganju i koji su u skladu s zakonom, kako bi se sačuvao dignitet suda i učesnika u postupku.

Predsjednica suda redovito na mjesečnom nivou prati da li su u predmetima korupcije i organiziranog kriminala zakazani glavni pretresi i da li se po ovim predmetima ažurno postupa o čemu se svaki mjesec izrađuje evidencija o predmetima korupcije i organiziranog kriminala sa posljednjom radnjom u predmetu. Posljednja analiza rada po predmetima korupcije i organiziranog kriminala je izvršena na Kolegiju predsjednika suda od 13.09.2023. godine i utvrđeno da prema evidenciji predmeta korupcije i organiziranog kriminala na dan 04.09.2023. godine u samo jednom predmetu nije zakazano ročište, dok su u svim ostalim K predmetima zakazani pretresi. U izvještaju se nalaze tri Kbs predmeta koji se po mišljenju predsjednice mogu završavati i za to nema procesnih smetnji.

Na efikasno suđenje u predmetima korupcije organiziranog kriminala, kao i drugim krivičnim predmetima sa više optuženih većim brojem svjedoka, oštećenih, branilaca i dr. negativno se odražava činjenica da Općinski sud u Živinicama raspolaže samo jednom većom sudnicom. Pri tome je značajno napomenuti da su tokom 2023. godine sudije sa krivičnog referata bili duže odsutni radi bolovanja.

Mjere poduzete tokom 2023. godine od strane Uprave suda doprinijele su da u svim predmetima korupcije i organiziranog kriminala budu zakazana ročišta i da se po istim ažurno postupa. Ova praksa će se nastaviti i tokom 2024. godine, kao i provođenje mjera iz Akcinonog plana VSTV-a BiH za predmete korupcije i organiziranog kriminala.

XI - ZAKLJUČNA ZAPAŽANJA O RADU SUDA

Iz analize rada suda u toku izvještajnog perioda zapaža se nekoliko ključnih činjenica.

- Općinski sud u Živinicama ostvario je propisanu kolektivnu godišnju normu i ista iznosi 105,79%.
- Od ukupno 15 nosilaca pravosudnih funkcija u 2023. godini njih 5 nisu ostvarili propisanu godišnju normu. Razlozi iz kojih norme nisu ostvarene dati su u poglavlju II ovog izvještaja.
- Realizacija plana rješavanja predmeta za 2023. godinu iznosi 79,09 %.
- Kvalitet sudskih odluka u 2023. godini iznosi 91,91% i nešto je veći u odnosu na višegodišnji prosjek.
- Prosječna starost nosilaca pravosudnih funkcija izrazito je visoka.
- U 2023. godini izražena su bila opravdana odsustva nosilaca pravosudnih funkcija po osnovu bolovanja (ukupno 364 radnih dana)
- Popunjenost sistematizacije namještenika je na zadovoljavajućem nivou, ali je prosječna starost namještenika izuzetno visoka. Većem broju namještenika ostao je kraći period do stupanja u penziju, za određen broj namještenika nadležne institucije donijele su rješenja o određenom stepenu invalidnosti ili smanjenoj sposobnosti za rad, pa rad namještenika u ovakvim okolnostima nije dovoljno efikasan i ne daje potreban učinak.

- Materijalni status suda ne može se ocijeniti zadovoljavajućim. Uslovi u kojima se rad odvija ne mogu se ocijeniti zadovoljavajućim.
- U izvještajnom periodu umanjen je broj neriješenih predmeta za 1105 predmeta i došlo je do smanjenja broja neriješenih predmeta na svim referatima izuzev na izvršnom i krivičnom.
- Umanjenje je u većoj mjeri rezultat ažuriranja Ips referata i iskazivanja završenim velikog broja Ips predmeta.
- Priliv predmeta uvećan je u izvještajnom periodu u odnosu na 2022. godinu za 1,47% (sa 6106 na 6196 predmeta). Rast priliva predmeta zabilježen je na izvršnom i vanparničnom referatu, dok je na svim referatima u odnosu na 2022. godinu došlo do smanjenja priliva.
- Broj riješenih predmeta uvećan je u izvještajnom periodu u odnosu na 2022. godinu za 10,25% (sa 6622 na 7301 predmeta).
- Za razliku od 2019. i ranijih godina (izuzimajući 2020. godinu), više ne možemo govoriti o nedovoljnom broju predmeta u radu suda i sudija.
- U svim predmetima korupcije su kontinuirano poduzimane radnje od strane sudaca.
- U toku izvještajnog perioda u 4 krivična predmeta nastupila je zastara i to jedan predmet u postupku krivičnog gonjenja i 3 predmeta u toku postupka izvršenja krivične sankcije, a razlozi zastare za svaki od predmeta obrazloženi su u poglavlju XI ovog izvještaja.

XII – INFORMACIJA O PRIMJENI SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA U BIH

U pogledu primjene smjernica za prevenciju seksualnog i rodno zasnovanog uznemiravanja u pravosudnim institucijama u BiH, prema evidenciji savjetnika, u 2023. godini nisu evidentirane prijave unutar ove institucije o ponašanjima koja bi se eventualno mogla okarakterisati kao čin seksualnog i rodno zasnovanog uznemiravanja. Lična opažanja savjetnika su takva da ukazuju na zaključak da su ponašanja uposlenika ostala nepromijenjena, korektna, kao i daje pozitivnije shvatanje problematike kojom se ova oblast bavi..

Tokom izvještajnog perioda uposlenicima suda se konstantno ukazivalo na značaj shvatanja međusobnih odnosa, različitosti karaktera, kao i mogućih posljedica nedozvoljenih postupanja, te na ulogu i značaj savjetnika kojem se pojedinci, u slučaju kršenja njihovih prava, mogu obratiti.

XIII-INFORMACIJA O AKTIVNOSTIMA, PODUZETIM U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PRAVOSUĐU BIH, I POSTIGNUTIM REZULTATIMA

Općinski sud u Živinicama je donio Akcioni plan za realizaciju strategije za unapređenje rodne ravnopravnosti u pravosuđu BiH broj 033-0-Su-22-000294-1 od 02.11.2022. godine, a koji plan je usvojen od strane VSTV-a BiH dana 01.12.2022. godine. Akcionim planom je predvedeno da tokom 2023. godini Općinski sud u Živinicama provede sljedeće aktivnosti:

- Promocija rodne ravnopravnosti i
- Provođenje internih analiza unutar ciljne pravosudne institucije.

Planirane aktivnosti su provedene o čemu je Općinski sud u Živinicama obavijestio i VSTV BiH dostavljanjem Obrasca za praćenje primjene akcionih planova za implementaciju Strategije za unapređenje rodne ravnopravnosti u pravosuđu BiH dana 31.01.2024. godine.

XIV-INFORMACIJA O ODRŽANIM SASTANCIMA SA NOTARIMA


Predsjednica suda je dana 20.09.2023. godine održala sastanak sa notarima koji imaju službeno sjedište na području Općinskog suda u Živinicama, sa tačkom dnevnog reda „Analiza rješavanja ostavinskih predmeta Općinskog suda u Živinicama povjerenih notarima“, „Detektiranje problema u radu koji utiču na rješavanje ostavinskih predmeta i utvrđivanje mjera za prevazilaženje identifikovanih problema“ i

„Postupanje po zaključku VSTV BiH br. 06-50-2-1389-91/2022 od 27.12.2022. godine“. Na ovom sastanku doneseni su Zaključci da se prioritetno postupa po najstarijim ostavinskim predmetima u cilju njihovog što bržeg okončanja, da notari u postupanju po ostavinskim predmetima iscrpe sve zakonom propisane mogućnosti vezane za pozivanje nasljednika, dostavljanje poziva i drugih pismena, a sve u cilju bržeg rješavanja ostavinskih predmeta s posebnim naglaskom na predmete iz ranijih godina, te da notari počnu postupati po Zaključku VSTV BH br. 06-50-2-1389-91/2022 od 27.12.2022. godine.

XV - PLANIRANE MJERE ZA POBOLJŠANJE STANJA U SUDU

U cilju poboljšanja stanja u sudu i postizanja boljih rezultata rada, u narednom periodu poduzet će se sve aktivnosti za koje se procijeni da su od interesa za poboljšanje rezultata rada, među kojima:

- redovno će se analizirati ostvarenje radnih učinaka (rješavanje starih predmeta i predmeta redoslijedom prijema, realizacija Plana rješavanja predmeta, poštivanje zakonskih rokova za postupanje u predmetima, poštivanje rokova za zakazivanje ročišta, blagovremenost u izradi odluka, itd.)
- nastaviće se sa praksom izrade Tromjesečnih programa rada koji obuhvata najstarije predmete iz plana rješavanja predmeta za 2023. godinu, hitne predmete, predmete korupcije i organiziranog kriminala, složene i naročito složene krivične predmete, predmeti izvršnog referata u kojima se izvršenje provodi na nepokretnostima, predmete prekršajnog referata u kojima je potrebno postupati bez odlaganja.
- redovno će se analizirati postupanje sudaca po predmetima na osnovu mjesečne evidencije posljednje radnje suca u predmetu i izdavati pismene naredbe za hitno postupanje u predmetima gdje je zabilježena duža neaktivnost suca.
- redovno će se izrađivati evidencija o odloženim/ odgođenim ročištima, a posebno u predmetima korupcije i organiziranog kriminala.
- provođenje mjera iz Akcionog plana VSTV-a BiH za predmete korupcije i organiziranog kriminala,
- mjere za unapređenje unutrašnje organizacije rada suda,
- mjere za unapređenje materijalno-tehničkih uslova rada,
- mjere koje će doprinijeti profesionalizmu i nezavisnom radu,
- nastaviće se koordinirati aktivnosti ka izgradnji nove zgrade suda.



Predsjednica suda

Mirjana Kulić

